



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

III. Ad lucrandum Jubilæum.

[urn:nbn:de:hbz:466:1-52716](#)

EXHORTATIUNCULA. III.

**Pro Gratiioso tempore Clementissimi
Jubilæi.**

I.

BOna nova! O fili spiritualis! Bona nova! O nobilis! Chara anima! En! Magna vobis offertur desursum gratia, quia lucranda peccatorum omnium indulgentia. Hac è scelerum exuimur sordibus; hac à servitute diaboli redimimur. Ut acceptemus, invitat nos Christus: *Venite!* Clamat Ecclesia: *Currite!* Allicit vita æterna: *Et ego reficiam vos.* Quid delibera-mus?

Instructio meritoria.

Gratiarum actio est novarum impetratio. Adeamus proin thronum gratiæ, videlicet Ecclesiam, & tria nobis feligentes altaria, ter visitemus in honorem ætatis Christi JESU quam devo-tissime recitandô 34. *Pater & Ave* cum Vers. *Te ergo quasumus, tuis famuli subveni,* quos pretioso sanguine redemisti. Quot anni JESU, tot aperti in nos Divinæ Bonitatis thesauri.

II.

EN! Tempus acceptabile! Ecce! Dies salutis! O quanta sunt coram Deo debita nostra! O quis suppliciorum numerus, quem toties peccandô, tot amos tam infructuosè impendendô dona Dei, & naturæ perdendô atque negligendô auximus. Heu! Jam imminet iræ Divinæ gladius! Jam ardet ignis! Flamma instat! Fugimus,

mus, ô chare! De medio Babylonis, de medio confusionis! Curramus ad pœnitentiam! Imperabimus Dei misericordiam.

Instructio meritoria.

Pro condigna ad lucrandum Jubilæum præparatione solitariè vivamus, per recollectionem internam à mundo nos abstrahamus; & cum magno spiritu psallamus coram quodam Crucifixo: *Confiteantur Domino misericordia ejus, & mirabilia ejus filiis hominum.* Psal. 106. Petentibus justa nihil hodie negetur! Date, & compensabitur cum fœnore!

III.

SCit fili! quis ipsum invitet ad sinum gratiæ? Dicat dubitanti Divus Gregorius: *Ecce ipse, quem despeximus, vocat nos.* Ecce JESUS pandit brachia, ut ibi te abscondas pro indulgentia. Pandit, etiam non rogatus. Offert, ut ut toties offensus. JESUS te amicum vult, amicitiam tuam rogat, & suam à te acceptari postulat. O excessum Divinæ Clementiæ! Quisnam hominum offensus, & tam misericors, tam amicus in offendentem? Adorares, si invenires. JESUS is fuit! Gaude! Adhære! Sequere!

Instructio meritoria.

Amor provocat amorem, ut ignis ignem. Peccatum sat est! Donemus hodie JESU illam occasionem, quâ frequenter nos cecidisse, advertimus. Amor Dei jubet: Caveamus, ne adeamus. Etiam unicum seriò cavisse peccatum, signum magni amoris est. Fuga unius pariet

horrorem alterius ; horrore autem peccatorum quid sanctius ? Ut in eo crescamus , psalmos penitentiales offeramus . Plangamus præterita , ut non committamus amplius plangenda . Ecce misericordia Domini ! Misericordia Domini ! Quia non sumus consumpti .

**EXHORTATIUNCULA IV.
Pro Ingredientibus sacram Religionem.**

I.

UNde ? Dilecte mi ! Siccine à sæculo ad Christum ? Laudo sanctum , & firmum propositum . At non sufficit , mundum reliquise corpore ; huic & animo atque affectibus moriamur , necesse est . Si in sæculo fuimus superbi : vivamus jam humiles religiosi , si iracundi , & impatientes : jam simus mansueti , & fortes ; si temporalibus addicti : nunc Deo , & cœlestibus immersi . Et hæc est vera Conversio sui . JESUM quærimus ? Ergo quæ JESU non sunt , abjiciamus .

Instructio meritoria.

Pro singulari gratia vocationis , & hujus constantia dicamus officium minus de SSS . Trinitate cum Psalmo : *Benedic anima mea Domino , & omnia , qua intra me sunt , nomini sancto ejus .* Additò hoc perenni amoris , & recognitionis pacto : manè , & noctu quotidie duodecies exosculandi terram sub dicto : *Domine ! Quid est homo , quod memor es ejus ? Aut filius hominis , quoniam visitas eum ?*

II. Fi-